



Coimisiún
na Meán

Ard-Abhcóide

Príomhoifigeach Ardghrád
Rannóg na Seirbhísí Dlí

Pacáiste Faisnéise Iarratasóra



Meitheamh 2025

A larratasóir, a chara,

Go raibh maith agat as spéis a léiriú i ról an Ard-Abhcóide.

Agus tú ag obair i gCoimisiún na Meán, cabhróidh tú le tírdhreach meán rathúil, éagsúil, cruthaitheach, sábháilte agus iontaofa a chruthú, a oibríonn do dhaoine in Éirinn agus ar fud an AE.

Cabhróidh tú linn tírdhreach na meán a rialáil, a thacú agus a fhorbairt. Cabhróidh tú le cearta bunúsacha gach duine a chosaint agus a chinntiú go leanfaimid de bheith ag maireachtáil i sochaí dhaonlathach oscailte.

Tá ár n-eagraíocht ag fás go tapa. D'fhás muid ó 40 duine go 200 sa chéad dá bhliain. Táimid ag iarraidh fás go dtí os cionn 300 anois. Tagann ár ndaoine ó raon leathan cúlraí: na hearnálacha ar líne agus na meán, an tsochaí shibhialta, an tseirbhís phoiblí, an saol acadúil agus gairm an dlí. Táimid bródúil as na deiseanna a thugaimid d'fhás gairmiúil. Táimid tiomanta d'fhórsa saothair a bheith againn a léiríonn éagsúlacht na sochaí ar a bhfreastalaímid.

Tá lúcháir orainn a bheith ag earcú don Ard-Abhcóide. Cuirfidh an ról seo le seachadadh na straitéise a ghlacamar níos luaithe i mbliana. Cuirfidh sé lenár sprioc[anna] a chinntiú go mbeidh tírdhreach na meán cumarsáide in ann:

- seasamh le cearta, folláine agus forbairt leanaí
- tacú leis an daonlathas agus le luachanna daonlathacha
- bheith mar cheann a bhfuil muinín ag tomhaltóirí as ionas go gcosnófar iad ó dhúshaothrú agus ó chalaois
- cultúr na hÉireann agus cé muid féin mar shochaí a léiriú agus a mhúnlú
- luachanna an cheartais, an chomhionannais, na héagsúlachta agus an chuimsithe a chur chun cinn
- sláinte agus sábháilteacht an phobail a neartú

Má chreideann tú go bhfuil an deis seo ag teacht le do chuid scileanna agus má thugann sé deis fás go gairmiúil, bheimis ar bís cloisteáil uait agus spreagfainn duit iarratas a dhéanamh.

Is mise le meas

Jeremy Godfrey, Cathaoirleach Feidhmiúcháin



Ár bhFís agus ár Misean



Is í an fhís atá againn ná tírdhreach meán rathúil, éagsúil, cruthaitheach, sábháilte agus iontaofa a chinntiú.




Déanaimid tírdhreach na meán a rialáil, a thacú agus a fhorbairt atá mar bhonn agus mar thaca ag cearta bunúsacha agus a chothaíonn sochaí oscailte, dhaonlathach agus iolraíoch.

Ár Réimsí Torthaí Straitéiseacha



Ár Luachanna



Eolas Faoin Ról Seo

Cuspóir an Róil

Cinnteidh an tArd-Abhcóide go mbeidh measúnuithe ardcháilíochta dírithe ar réitigh ar shaincheisteanna dlí agus rioscaí dlí bunaithe ar phleananna, ar ghníomhaíochtaí agus ar chinntí Coimisiún Meán, ionas gur féidir leis an gCoimisiún a chuspóirí straitéiseacha a bhaint amach i gcomhthéacs creata dlí nua. Mar cheannaire an-sinsearach, rannchuideoidh an tArd-Abhcóide freisin le ceannaireacht eagraíochtúil, forbairt straitéise agus rialachas agus saincheisteanna ábhartha dlí á gcur san áireamh.

Maidir leis an Rannóg

Faoi láthair tá triúr dlíodóir ag leibhéal an Stiúrthóra agus triúr ag leibhéal an Stiúrthóra Cúnta, agus Anailísí Dlí i Rannóg na Seirbhísí Dlí. Tá sé beartaithe méid na foirne a dhúbailt sna míonna amach romhainn, agus is dócha go dtiocfaidh tuilleadh fáis de réir mar a fhorbróidh Coimisiún na Meán.

Príomhfhreagrachtaí

- Rannóg na Seirbhísí Dlí (LSD) a fhorbairt agus a mhaoirsiú
- Próisis agus socruithe oibre a bhunú a chuireann ar chumas fhoireann LSD agus comhairleoirí seachtracha dlí rannchuidiú go héifeachtach le straitéis agus plean oibre Coimísín na Meán, lena n-áirítear tosaíocht a thabhairt d'obair ar fud na heagraíochta.
- Cáilíocht agus úsáideacht an ionchuir dhlíthiúil a chinntiú
- Maoirseacht a dhéanamh ar chaitechas dlíthiúil agus ar obair dlí ardphróifíle, lena n-áirítear dlíthíocht
- Ionadaíocht a dhéanamh ar Comisiún na Meán go seachtrach de réir mar is cuí, lena n-áirítear le Ranna Rialtais, le gníomhaireachtaí eile agus leis an gCoimisiún Eorpach
- Cur le ceannaireacht eagraíochtúil agus forbairt straitéise

Tá an méid thuas beartaithe mar threoir ar raon ginearálta na ndualgas agus tá sé beartaithe nach mbeidh sé cinntitheach ná sriantach agus tá sé faoi réir athbhreithnithe.



Coimisiún
na Meán

Eolas Fút

Taithí, Scileanna, Eolas & Cáilíochtaí

Critéir Riachtanach

Ní mór d'iarrthóirí a bheith ar nó roimh an 21 Iúil 2025 ina n-abhcóide nó ina n-aturnae cáilithe, nó cáilíocht choibhéiseach a bheith acu ó Bhallstát eile den AE, nó ón RA

- 10 mbliana ar a laghad de thaithí iarcháilíochta i ndlínse dlí choitinn
- Taithí shinsearach sa dlí poiblí i gcomhthéacs rialála, a fuarthas i gcleachtas príobháideach nó mar abhcóide inmheánach, agus taithí dlíthíochta san áireamh.
- Taithí ar fhoirne dlíodóirí a bhfuil taithí acu a bhainistiú, cáilíocht na hoibre dlí a chinntiú agus bealaí comhoibrithe agus éifeachtacha oibre a fhorbairt, agus idirghníomhú le cliaint
- Cumas riosca dlíthiúil a mheas agus a chur in iúl do dhaoine nach dlíodóirí iad, agus cabhrú leis an eagraíocht bealaí a aimsiú chun a spriocanna straitéiseacha a bhaint amach chun riosca dlíthiúil a chothromú

Critéir Inmhianaithe

- Taithí ar dhlí na meán agus ar an dlí a bhaineann le rialáil ardáin dhigiteacha
- Taithí ar an dlí is infheidhme go ginearálta maidir le comhlachtaí poiblí Éireannacha, amhail Saoráil Faisnéise, brústocaireacht srl
- Taithí ag tabhairt treoir d'aturnaetha agus abhcóidí seachtracha
- Taithí bainistíochta buiséid



Príomhfhaisnéis

Sochair, Pacáiste & Pá

- Tairgtear an post seo ar bhonn Buan.
- Lánaimseartha, 35 uair in aghaidh na seachtaine
- Saoire Bhliantúil: 30 lá in aghaidh na bliana
- Ról hibrideach a bheidh sa ról a chomhcheanglaíonn obair bhaile agus oifige. Is é ár mbeartas hibrideach reatha 2 lá san oifig.
- Tá ár n-oifig lonnaithe ag a hAon Foirgnimh Shíol Bhroin, Bóthar Shíol Bhroin, Baile Átha Cliath 4, D04 NP20.
- Le haghaidh liosta iomlán sochar féach ar ár suíomh gréasáin [anseo](#)
- Tá an post seo grádaithe ag an [scála](#) Ard-Príomhoifigigh.
- Ceapfar iarrthóirí rathúla ar an gcéad phointe den scála, faoi láthair €112,974 le liúntas Stiúrtóra de €15,513.

Próiseas Iarratais

Má tá suim agat iarratas a dhéanamh ar an bpost seo, cuir isteach le do thoil:

- CV (uasmhéid 2 leathanach) agus litir chlúdaigh/ráiteas pearsanta (uasmhéid 1 leathanach) ina leagtar amach cén fáth a gcreideann tú go gcomhlíonann do scileanna, taithí agus luachanna riachtanais an phoist **trí ANSEO**
- Tá ceapachán ar an ról seo faoi réir incháilitheacht an iarrthóra chun oibriú in Éirinn. Éilíonn gach post ar iarrthóirí cónaí i bPoblacht na hÉireann nó i dTuaisceart Éireann.
- Déanfar iarrthóirí a théann i mbun canbhasála a dhícháiliú agus a eisiamh ón bpróiseas

Le haghaidh ceisteanna a bhaineann leis an bpróiseas iarratais nó roghnúcháin a bhaineann leis an ról seo, déan teagmháil le cnam@cpl.ie

Inniúlachtaí

Féach liosta na n-inniúlachtaí thíos a mheasúnófar ag céim an agallaimh don chomórtas seo:

Ceannaireacht agus Treorú Straitéiseach

Breithiúnas agus Cinnteoireacht

Bainistíocht agus Baint Amach Torthaí

Caidrimh a Chothú agus Cumarsáid

Saineolas, Oilteacht agus Féinfhorbairt

Treallús & Tiomantas do Luachanna Seirbhísí Poiblí



Muinín



Iarmhairt



Misneach



Neamhspleáchas



Díríthe ar
dhaoine



Ionracas

An Próiseas Roghnúcháin

Áireofar sa phróiseas roghnúcháin:

Iarrthóirí a ghearrliostú bunaithe ar an bhfaisnéis a cuireadh ar fáil ina n-iarratas, arna measúnú in aghaidh na gcritéar sonraithe don ról.

- Réamhagallamh bunaithe ar inniúlacht
- Agallamh dara babhta d'iarrthóirí ar éirigh leo sa chéad bhabhta, lena n-áireofar cur i láthair nó cleachtadh praiticiúil eile

Beidh an chéad agallamh ar siúl trí MS Teams. Déanfar an dara hagallamh go pearsanta inár n-oifig i mBaile Átha Cliath.

Socruithe Réasúnta

Cuirfear socruithe réasúnta ar fáil, más gá, le linn an phróisis earcaíochta. Chun socruithe réasúnta faoi rún a phlé agus a iarraidh téigh i dteagmháil le amckiernan@cnam.ie

Is fostóir comhdheiseanna é Coimisiún na Meán. Cuirimid fáilte roimh iarratais ó iarrthóirí a bhfuil cúlraí éagsúla acu agus táimid tiomanta d'fhórsa saothair cuimsitheach agus éagsúil a chur chun cinn a léiríonn Éire na linne seo. Oibrímid chun cultúr a chruthú ina bhfuil rochtain chomhionann ag gach duine ar dheiseanna agus ina mbraitheann siad compordach a bheith ina bhfíor-fhéin ag an obair.

Dáta Deiridh: 21 Iúil 2025, ag 3in.



Investors in
Diversity

BRONZE

